

Seminar Nasional Pengurusan dan Kepimpinan Pendidikan ke-11 IAB

Archival News | Utusan Malaysia | 26/11/2002

INSTITUT Aminuddin Baki (IAB), akan menganjurkan Seminar Nasional Pengurusan dan Kepemimpinan Pendidikan Ke-11 selama tiga hari bermula 17 Disember ini di Dewan Seminar, Hotel Pan Pacific, KLIA, Sepang, Selangor.

Seminar yang akan menghimpunkan 200 warga pendidik dari seluruh negara itu bertemakan Pengurusan dan Kepemimpinan Pendidikan Cemerlang Aspirasi Negara.

Menurut Pengarah IAB, Datuk Dr. Wan Chik Rahmah Wan Din, lebih 15 kertas kerja akan dibentangkan sepanjang seminar berlangsung. Antaranya ialah oleh Prof Datin Dr. Noran Fauziah Yaakub dari Universiti Perguruan Sultan Idris (UPSI) yang akan membicarakan mengenai Insiden Buli Di Kalangan Pelajar Sekolah: Implikasi Kepada Pengurusan Sekolah; Dr. Mohamed Sani Ibrahim dari Universiti Kebangsaan Malaysia (UKM) yang akan menyentuh mengenai isu Pengetua dan Pembestarian Sekolah serta Timbalan Pengarah IAB, Dr. Ishak Sin akan memperkatakan tentang Stail Kepemimpinan Yang Digemari.

Seminar dijangka akan dirasmikan oleh Timbalan Menteri Pendidikan, Datuk Abdul Aziz Samsuddin. Utusan Malaysia adalah akhbar rasmi seminar ini.

(Source : Utusan Malaysia)